

Bases do IX Concurso de Fotografía “Cidade de Narón”

1. A Concellería de Turismo do Concello de Narón convoca, como cada ano, o Concurso de Fotografía “Cidade de Narón”, que no 2018 acada a súa novena edición, coas condicións e características recollidas nestas Bases.
2. O concurso é gratuíto e está aberto a toda persoa maior de idade.
3. Cada fotografía presentada deberá mostrar a riqueza de Narón, tanto en patrimonio monumental e arqueolóxico como en espazos naturais de interese, de lecer, culturais, tecnolóxicos ou festas populares. É obrigatorio que o lugar ou entorno sexa do Concello de Narón e como tal sexa recoñecible.
4. Cada concursante poderá presentar un máximo de 3 fotografías en cor ou branco e negro coas seguintes características:
 - O soporte será obrigatoriamente dixital. As fotografías deberán ter unha resolución mínima de 1024 x 768 px., e os formatos admitidos serán JPG, TIFF e PNG.
 - Cada fotografía debe levar un título como nome de arquivo.
 - Quedarán excluídas as fotografías con importantes retoques ou alteracións manuais ou dixitais.
 - Poderán opcionalmente presentarse en formato papel, cun tamaño mínimo de 20 x 25 cm. e máximo de 30 x 45 cm. Isto non exime da obrigatoriedade de presentar as fotografías en soporte dixital.
5. Establécense os seguintes premios, que poderán ser declarados desertos e estarán suxeitos ao disposto na lexislación fiscal vixente no momento da concesión:
 - 1º Premio.....750 €
 - 2º Premio.....300 €
 - 3º Premio.....150 €Ningún concursante poderá ser premiado por máis dunha fotografía que presente ao concurso.
6. Á hora de valorar as fotografías, o xurado poderá outorgar un máximo de 30 puntos a cada unha delas, de acordo cos seguintes criterios:
 - Pola calidade técnica-artística da imaxe: ata 10 puntos. Valoraranse aspectos como o encadre, o enfoque ou a luminosidade da imaxe, axustados ao que a fotografía pretende amosar.
 - Pola orixinalidade: ata 10 puntos. Terase en conta neste apartado que a imaxe sexa unha nova forma de achegarse ao asunto que pretende amosar, ou ben que amose aspectos do Concello menos tratados noutras edicións deste concurso.
 - Polo grao de representatividade do Concello: ata 10 puntos. Valorarase a existencia de elementos icónicos do noso Concello, sendo este recoñecible como condición necesaria para a valoración da fotografía.
7. O xurado estará formado por profesionais da fotografía de empresas e/ou medios de comunicación do entorno naronés, así como por un representante do Concello. A



composición exacta do xurado darase a coñecer con suficiente antelación ao fallo do concurso a través da wep municipal.

8. As fotografías presentaranse en forma de plica, do seguinte xeito:
 - Nun sobre grande escribirase exclusivamente de forma visible: “IX Concurso de Fotografía Cidade de Narón”, e un pseudónimo libremente elixido polo autor, coa única condición de que non permita que este sexa facilmente identificable.
 - No interior deste sobre incluírase un CD que conteña exclusivamente as fotografías presentadas co seu título como nome do arquivo. Estes nomes, así como o pseudónimo, figurarán tamén visibles na carátula do CD.
 - Xunto ao CD, no interior do sobre grande incluírase un sobre pequeno co pseudónimo escrito no seu exterior. No interior deste sobre introducirase unha folla cos seguintes datos:
 - Pseudónimo, nome, apelidos, NIF, dirección completa, teléfono e correo electrónico do autor.
 - Título das fotografías, cunha breve explicación do lugar e data na que foi realizada.
 - Declaración responsable asinada comprensiva da aceptación destas Bases, da autoría, orixinalidade e inexistencia de premios das fotografías presentadas, e da cesión das mesmas ao Concello de Narón para seren utilizadas en carteis, calendarios, exposicións, folletos e publicidade e propaganda do Concello, sen dereito a indemnización algunha por este feito.
 - Así mesmo, no interior do sobre grande incluíranse opcionalmente as fotografías en papel co título e o pseudónimo escritos na parte traseira.
9. O lugar de presentación será o rexistro da Casa do Concello (Praza de Galicia, s/n, CP 15570, Narón), entre as 8:30 h. do día 17/09/2018 ata as 13:00 h. do 28/09/2018. Para poder garantir o anonimato dos participantes, non se entregará xustificante algún da entrega dos sobres. Ao remate do prazo de presentación establecido, publicarase na web do Concello o listado de pseudónimos participantes no concurso.
10. O fallo do xurado, que será inapelable, farase público na prensa e na web do Concello no prazo de trinta días naturais, a contar desde a finalización do prazo de presentación establecido.
11. Os premios serán entregados simbolicamente nun acto público en data e lugar que se dará a coñecer nos medios anteriores con suficiente antelación, sen prexuízo de que nos días seguintes ao acto se realice o efectivo ingreso do premio na conta bancaria do beneficiario.
12. Cada concursante que resulte premiado deberá achegar a seguinte documentación:
 - Copia do DNI, no caso de non estar esta xa en posesión do Concello.
 - Declaración responsable na que conste que non está incurso en ningunha das causas que determina o artigo 13 da Lei 38/2003, do 17 de novembro, xeral de subvencións, que está ao corrente das súas obrigas tributarias (Estado, Comunidade Autónoma e Concello de Narón) e fronte á Seguridade Social, e que non é debedor por resolución de procedencia de reintegro de subvención.



- Ficha bancaria cos datos da conta na que se realizará o ingreso, no caso de non estar esta xa en posesión do Concello.
 - Modelo 145 de Facenda (Comunicación de datos ao pagador).
13. O Concello de Narón resérvase a facultade decisoria no caso de controversia á hora de interpretar estas Bases.
 14. As presentes Bases publicaranse no Boletín Oficial da Provincia da Coruña.
 15. Establécense os seguintes medios para a obtención de calquera información adicional:
 - Correo electrónico: a.fernandez@naron.es
 - Teléfono: 981337700 ext. 1517